

Sarajevo, 02.10.2023.godine

**Klub SDP-a u Skupštini Kantona Sarajevo**  
**Predsjednik kluba zastupnika Davor Čičić**

ZA:

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
n/r Vlada Kantona Sarajevo  
n/r Ministarstvo kulture i sporta Kantona Sarajevo

**U skladu sa članom 106. i 213. Poslovnika Skupštine Kantona Sarajevo, dostavljam:**

### **ZASTUPNIČKA INICIJATIVA**

Prema **Vladi Kantona Sarajevo** i **Ministarstvu kulture i sporta**

**Za donošenje posebnog zakona (Lex specialis) kojim bi se definiralo finansiranje institucija kulture sa nivoa BiH koje djeluju na prostoru Kantona Sarajevo iz budžeta Kantona Sarajevo, kao i njihova prava i obaveze po pitanju tog finansiranja i pravdanja utroška sredstava.**

### **OBRAZLOŽENJE**

Iz budžeta Kantona Sarajevo se, na razne načine, već sada kroz usvojeni budžet za 2023. godinu finansiraju ustanove i institucije kulture i obrazovanja sa nivoa BiH, a koje djeluju i rade na prostoru Kantona Sarajevo. Smatram da Kanton Sarajevo ima veliki strateški interes da ove ustanove nastave svoj rad na prostoru KS i da taj rad bude održiv. Finansiranje Zemaljskog muzeja je privremeno riješeno kroz proglašenje muzeja nastavnom bazom Univerziteta u Sarajevu, a Nacionalna i univerzitetska biblioteka BiH, Biblioteka za slijepa i slabovidna lica BiH i Kinoteka BiH su u određenom obimu podržane od strane Ministarstva obrazovanja Federacije BiH, uz veliko razumijevanje resorne ministrice gđe. Jasne Duraković.

Umjetnička galerija BiH, Historijski muzej BiH i Muzej književnosti i pozorišne umjetnosti BiH su trenutno najugroženije institucije čije je održivost i opstanak upitan usljed neadekvatnog i nedovoljnog finansiranja od strane osnivača.

Zbog toga upućujem inicijativu da Ministarstvo kulture i sporta Kantona Sarajevo predloži Vladi i Skupštini Kantona Sarajevo posebni zakon (Lex specialis) kojim bi se privremeno i jasno definiralo finansiranje ovih ustanova i institucija iz budžeta Kantona Sarajevo, do donošenja konačnog rješenja i definiranja statusa i načina finansiranja i poslovanja ovih za društvo jako bitnih ustanova od strane njihovih osnivača na višim nivoima vlasti, a kako njihov opstanak, funkcioniranje i svakodnevni rad do tada ne bi bio ugrožen.

S poštovanjem,

**Davor Čičić**  
**Predsjednik kluba zastupnika SDP BiH**  
**u Skupštini Kantona Sarajevo**